



DONOSTIA
SAN SEBASTIÁN

Musika eta Dantza Eskola

www.donostiaeskola.eus | Tel. 943297830 | info@donostiaeskola.eus
[Atotxako Zelaia Plaza, 3](#) | 20012 Donostia / San Sebastián

Mugarik Gabeko Musikariek streaming bidez kontzertu solidarioa eskainiko dute azaroaren 25ean

Aurten Instrumentuen Bankuan jasotzen diren musika-tresnak Cabo Verdera bidaliko dira

Mugarik Gabeko Musikariek, Donostiako Udalaren Musika eta Dantza Eskolaren eta Euskal Herriko Musika Eskolen Elkartearen antolakuntzarekin, kontzertu solidario bat eskainiko du, ezarritako osasun-neurriak errespetatuz.

Azaroaren 25a, osteguna, da aukeratutako eguna, eta **Emakumeen Aurkako Indarkeria Ezabatzeko Nazioarteko Egunarekin** bat eginez, musikak, gizartea integratzen eta garapen bidean dauden herrialdeetan emakumeak ahalduntzen laguntzeko duen garrantzia azpimarratuko da.

Entzunaldian bertako zein nazioarteko **11 musika talde eta eskola** arituko dira. Horien artean aipatzekoak dira Guatemalako *El Recuerdo* kooperatibaren emanaldia, Paco Pérez eta Marinba orketrak *Luna de Xelaju* obra joko dutelarik; Cabo Verdeko *Escola Municipal de Artes Tututaren* interpretazioa edo *Mirzo Music Center-ena* Kurdistanetik; baita, EHMEko Musika Eskoletatik eskainiko diren emanaldiak ere.

Jesús María Alegría Urtiaga, Pinttu, Mugarik Gabeko Musikarien Zuzendaria, zuzenean izango da gurekin Gasteizko egoitzatik, erakundea aurkezteko, esperientziak partekatzeko eta parte-hartzaileak agurtzeko. Ordubete inguruko ekitaldia izango da, doakoa eta sarrera librekoa. Donostiako Udalaren Musika eta Dantza Eskolako kanalaren bidez eskainiko da zuzenean, **azaroaren 25ean, osteguna, 19:00etatik aurrera**, honako helbidean: <https://youtu.be/UkpJuAP8cvs>. Eskolatik, parte hartu nahi duen oro animatzen dugu ekimenarekin bat egiten, mugez haraindiko sare solidario bat sortuz.

Cabo Verderako tresnen bilketa

Aurten, bildutako instrumentuak **Cabo Verdera** bidaliko dira; han, Mugarik Gabeko Musikariak taldeak **Afrikari Entzunez** proiektua jarri du martxan, lehenengo ekintza diskoaren bidez aurkeztuko dutelarik. Ondoren, abenduan, **Askatasunaren Orkestra** topaleku bihurtuko da Afrikako haur behartsuenentzat; bertan, beren musika-gaitasunak garatzeko aukera izango dute eta beharrezko hezkuntza eta laguntza jasoko dute, emandako instrumentuei esker.

Federico Mayor Zaragozak, Cultura de Paz Fundazioko presidente eta UNESCOren zuzendari nagusi ohiak, bere biolina oparitu du dagoeneko, eta instrumentua nazioarteko ekimen solidario honen kontzertinoa bilakatuko da.

Instrumentuen Bankua irekita dago Cabo Verden Askatasunaren Orkestra sortzeko material musikala modu altruistan ekarri nahi duten enpresa eta partikularren dohaintzetarako. Horrela, musika baliabide gutxiko adingabeentzako ibilgailu integratzaile bihurtuko da herrialde behartsu batean.



DONOSTIA
SAN SEBASTIÁN

Musika eta Dantza Eskola

www.donostiaeskola.eus | Tel. 943297830 | info@donostiaeskola.eus
[Atotxako Zelaia Plaza, 3](#) | [20012 Donostia / San Sebastián](#)

Herritarrek, orkestra sinfoniko baten parte diren instrumentu zaharrak edo horien zatiak (arkuak, bizarrak, sokak, etab.) eman ahal izango dituzte, baita teklatuak, pianoak, gitarrak eta akordeoiak ere.

Dohaintza egitera joan aurretik, eman beharreko tresnari buruzko ahalik eta informazio gehien bildu, hau da, datu tekniko eta historiko, konponketak eta abar. Dohaintza-inprimakia eta zure tresnaren historia bete beharko dituzu eta.

Dohaintzak egiteko epea **2020ko azaroaren 25etik 2021eko urtarrilaren 29ra** artekoa izango da, 14:00etan.

Instrumentua ezin bada eraman tamaina handikoa delako, entrega hitzartu ahal izango da, **ehme@ehme.eu** edo **605709530** telefonoaren bidez.

Mugarik Gabeko Musikariak

1995ean sortu zen irabazi-asmorik gabeko gobernuz kanpoko erakunde gisa, independentea eta edozein ideologia politikorekiko loturarik gabea. Helburu nagusia hurrei laguntzea da, musikaren bidez, hizkuntza nazioartekoena baita eta haurtzaroa du ardatz, egoera ahulenean dagoen biztanleriaren sektorea delako.

Musikak eta musikariek, munduan elkarrekin bizi diren etnien, herrien eta kulturen arteko harmoniaren, bizikidetzaren eta elkartasun-espirtuaren alde, zeregin garrantzitsua dutela abiapuntutzat hartuta, musikaren eta haurren arteko elkartasunezko konpromisoa ezartzen saiatzen da, etorkizun hobea lortzeko laguntza materiala, premiazkoena eta kulturala, errentagarriena, emanez.

EHME Euskal Herriko Musika Eskolen laguntzarekin eta instrumentuak saltzen diuzten enpresen zenbait lankidetzarekin, Mugarik Gabeko Musikariak erakundeak **Nazioarteko Musika Tresnen lehen bankua** sortu zuen duela lau urte, Siriako gerrako hurrei tona bat instrumentu bidaltzeaz arduratu zena. Egun, bigarren bidalketa bat martxan dute Khanasorera bidean; bertan, *Gani Mirzo & Music* eskola sortu dute, nagusiki Isisen eskutik bahituak izan diren eta sexu abusuak jasan dituzten Irakeko emakume kurduei laguntza, hezkuntza eta babesa eskaintzeko.

Donostia, 2021eko azaroaren 22a